



"S trima osobama Allah neće govoriti niti će ih od grijeha očistiti i njima pripada bolna kazna: sijedi starac koji bludniči, siromašni oholi uobraženik i čovjek koji je Allahovo ime učinio svojom robom, pa ne kupuje nego zaklinjući se, niti prodaje osim svojim zaklinjanjem."

Od Selmana El-Farisija, radijallahu 'anhu, prenosi se da je Allahov Poslanik, sallallahu 'alejhi ve sellem, rekao: "S trima osobama Allah neće govoriti niti ih od grijeha očistiti i njima pripada bolna kazna: sijedi starac koji bludniči, siromašni oholi uobraženik i čovjek koji je Allahovo ime učinio svojom robom, pa ne kupuje nego zaklinjući se, niti prodaje osim svojim zaklinjanjem."

[Vjerodostojan] [Hadis bilježi Taberani]

Vjerovjesnik, sallallahu alejhi ve sellem, kazuje nam o tri kategorije grijesnika koji će biti kažnjeni najžešćom kaznom, iz razloga što su činili veoma ružne grijeha. Prva kategorija su oni starci koji čine blud. Oni kao stari ljudi imaju veoma slabu ili nikakvu potrebu za spolnim odnosom, što ukazuje da ih je na taj blud podstakla samo ljubav prema grijehu i razvratu. Iako je blud ružan bez obzira ko ga činio, ipak je ružniji kada dođe od takve osobe. Druga kategorija: Siromah koji se oholi. Oholost je ružna osobina bez obzira od koga dolazila, ali siromah nema imetka zbog kojeg bi se oholio, pa taj njegov postupak ukazuje da je oholost dio njegovog karaktera. Treća kategorija su oni koji zakletvu Allahom koriste svojom robom, pa se puno zaklinju tokom kupoprodaje, omalovažavajući tako Allahovo ime i koristeći ga kao sredstvo za zaradu imetka.

<https://sunnah.global/hadeeth/bs/show/5952>